



Sakspapir

Sakshandsamar	Arkiv	ArkivsakID
Charlotte Lilleheil	FE-027, FA-C03	20/529

Saksnr	Utval	Type	Dato
102/20	Formannskapet	PS	24.11.2020
086/20	Kommunestyret	PS	10.12.2020

Kontigent stiftinga Kystkultur no!

Vedlegg:

Varsel om medlemskontigent

Saksutgreiing:

Bakgrunn

I Fedje kommune har me dei siste åra markert markert «kystsogedagar» i ei helg på hausten. Me har hatt lokale arrangement som Small Ships Race, open trafikkssentral, basar i fiskarheimen samt gjerne eit arrangement på kveldstid. Me har vald helga sjølv, ut frå kva som passer lokale arrangørar best.

Fedje kommune mottok 11.november eit brev frå stiftinga «Kystkultur No!» med varsel om innføring av medlemskontigent frå 2021. Fedje kommune skal betale 10 000 kroner i medlemskontigent om me ønskjer å vere medlem. Varselet skulle vore utsendt før, slik at kommunane kunne inkludere summen i kommunebudsjettet, men grunna sjukdom i stiftinga vart det ikkje sendt ut før no. Dei skriv kontigenten skal nyttast til marknadsføring av kystkulturarrangement.

Marknadsføring via stiftinga har tidligare vore eit gratis tilbod, der Fedje kommune har hatt mogelegheit til å legge inn sine arrangement på kystkultur.no sine nettsider. Dei har i tillegg hatt ei brosjyre me har hatt hatt mogelegheit til å vere ein del av. No har kystsogevokene endra namn til «Kystkultur no!» og vil leggje om marknadsføringen ved å satse digitalt, som sosiale medier og annonsar via Schibsted. I tillegg vil «Kystkultur no!» vere eit heilårsprosjekt i staden for berre noko som skjer på hausten.

I fjor mottok Bergen og Omland Friluftsråd midlar frå fylket som vart nytta i stiftinga til eit opplegg på skulane der elevar fekk mellom anna ro i tradisjonelle trebåter. Fedje skule vart inkludert i dette prosjektet.

Tidligare har lokale arrangørar hatt mogelegheit til å søke støtte utlyst gjennom kystsogevokene, til dømes fekk arrangementet Small Ships Race tildelt 8 000 kroner av stiftinga i 2018.

10 000 kroner er det ikkje plass til i kulturbudsjettet som er levert inn, og pengene må dermed takast frå ei annan plass.

Kommunen har tidligare gjeve tilskot til dei lokale arrangementa. Til dømes fekk Bjørn Ådne Kvalvik 10 000 i tilskot til Small Ships race i 2019, dekka frå konto Rådvelde formanskapet. I 2018 gav kommunen 5000 til gevinstar i Kystsogebasaren, frå konto Kulturmidlar.



Fedje kommune

Ordfører er kommunen sin representant i stiftinga Kystkultur no!, ref K-sak 075/19.

Vurdering

I følgje informasjonsbrevet vil dei 10 000 me skal betale i medlemskontigenten brukast til å driva digital marknadsføring av kystkulturarrangement.

I tillegg vil Fedje bli inkludert i «Kystkultur No!» sine eventuelle arrangement gjennom året. Stiftinga vil og ha ein rådgjevingfunksjon for lokale arrangørar. Ved medlemskap vil lokale arrangørar ha mogelegheit til å søkje eventuelle midlar frå «Kystkultur No!».

Fedje kommune har eit lite kulturbudsjett og det er ikkje rom for denne summen i rådmannen sitt framlegg til budsjett for 2021 som allereie er sendt over til politisk behandling.

Difor må politikarane avgjere om marknadsføring (mm.) av kystkulturarrangement er noko som er verdt å bruke pengar på. Då må pengane takast frå ein anna stad. Til dømes kan ein vurdere å ikkje gje midlar til lokale arrangement ved markering av kystsogedagane, men oppfordre lokale aktørar til å ta meir betalt eller søkje tilskot frå stiftinga «Kystkultur No!».

Alternativt kan kommunen halde fram med å marknadsføre eigne arrangement på eigne kanalar (heimesider, skjerm på butikk, plakatar), men vere utelatt frå prosjekt frå «Kystkultur No!»

Folkehelse: Arrangement frå «Kystkultur No!» kan ha positiv påverknad på folkehelse.

Miljø: Ikkje kjent relevans

Økonomi: Dei 10 000 kr ligg ikkje inne i kommunebudsjettet for 2021, og må difor takast frå ein plass.

Konklusjon

Skal Fedje kommune betale 10 000 i medlemskontigent til stiftinga «Kystkultur No!» må desse midlane verte omplassert i kommunebudsjettet 2021. Dei kan til dømes takast frå ansvar 1000, teneste 1003 Rådvelde formannskapet.

Forslag til vedtak:

10 000 kroner vert flytta frå 14700.1000.1003 (rådvelde formannskapet) til 11952.1100.3850 (kontigentar kultur) i kommunebudsjettet for 2021 for å dekke medlemskontigent i stiftinga «Kystkultur No!».

Formannskapet - 102/20

F - behandling:

F - vedtak:

10 000 kroner vert flytta frå 14700.1000.1003 (rådvelde formannskapet) til 11952.1100.3850 (kontigentar kultur) i kommunebudsjettet for 2021 for å dekke medlemskontigent i stiftinga «Kystkultur No!».



Fedje kommune

Samrøystes vedteke.

Kommunestyret - 086/20

K - behandling:

K - vedtak:

10 000 kroner vert flytta frå 14700.1000.1003 (råddelke formannskapet) til 11952.1100.3850 (kontigentar kultur) i kommunebudsjettet for 2021 for å dekke medlemskontigent i stiftinga «Kystkultur No!».

Samrøystes vedteke.